

المشاهد

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم ديني ، علمي ، ادبي ، سياسي هفته لق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف ادیب

عدد ٣٧ - ٢١٩ ٥ ذی الحجه ١٣٣٠ پنجشنبه ١ تشرين ثاني ١٣٢٨ جلد ٢ - ٩

اولش، شیرازہ سی بوزولمشدی. اسکین اردومن «یاغازی،
یا شہید، دیر، اعلائی کلمۃ اللہ ایچون جانی فدادن ذرہ قدر چکنمز،
وسبیل اللہ شہادت الی بویوک بر سعادت عد ایدردی.

اونک ایچون اردوی اسلامک بوقیل رجعتی هیچ برزمان
کورولمہ مشدی. فقط اوزمان ہرنفرک فکرنده، حرکتہ باشقہ
برغایہ وار ایدی. برچوق اقوام اسلامیہ عینی سنجاق التہ طویلایان
وجانی فدا ایتدیرن اوغایہ مقدسہ ایدی. بزم نفلرمنز هیچ برزمان
طوبراق قاوغاسی نہ در بیللمہ مش، «تورکک ایدہ آلی» نہ در اکلاما-
مشیدی. ہر نہ زمان حربہ چاغیرلمش سہ «ہایدی محمد، دینک
مدافعہ سنہ!» دیہ دعوت ایدیلشدی. هیچ بروقت او، طوبراق
قاوغاسنہ چاغیرلماش، هیچ برزمان اوکا «ہایدی ای تورک اوغلی
تورک» دینلمہ مشدی. شیمدی اکلامدینی برخطابہ معروض قالدی.
اونک ایچون املسز، غایہ سز حرکت ایتدی؛ نتیجہ نہ اولدینغی
اودہ بیللمہ مشدی. اونکلہ برابر بتون جہان نہ حیرتہ قالدی.

جناب حقہ بیکلر جہ شکرک، متفکرین ایلہ افراد امت آرہ سندہ
آجیلان حفریہ ملت بتون بتونہ گومولمہ دن بو حقیقت آکلاشیلدی.
اردونک شیرازہ سی طویلانمہ، روح قدیمی نفخ ایدلمہ باشلانندی.
انشاء اللہ جناب حق نصرت احسان بیورور.

§ صوکر اسلام ایچون هیچ غرور جائز اولمادینی حالہ، پک
زیادہ آتیلدی، طوتولدی. نصرت اللہدن دکل، چوقلقدن، یاخود
فلان فلان قومدن بکلہ نیلدی.

قوص قوجہ برتورک ایمپراطورانی! دونکی بالقان حکومتلرینہ
هیچ مغلوب اولورمی؟ دینلدی. اولماق لازم کلیر اما، اللہی
اونودوبدہ چوقلقہ، ایمپراطورلغہ کومہ ندیکمز ایچون اللہ مغلوبیت
آجینسی طانیدردی. مع مافیہ بو حقیقتہ آکلاشیلدی. غرتہ لرده
هیچ قالہ آلمیان «عون حقہ»، «انشاء اللہ» سوزلری کورولمہ
باشلادی. نتیجہ نہ ظفرینہ اسلامہ متوجہ اولہ جنی الطاف اللہیہ دن مامولدر

تفرقہ نکل صوکی مماندر

صوکر ملت فرقلہ بولوندی، ہر فرقہ دیکرینک دشمن جانی
کسیلدی. کیت کیدہ اقوام اسلامیہ آرہ سنہ تفرقلہ صوقولدی. ملت صوک
درجہ احتراماتہ دوشدی، پک زیادہ آزعینلاشدی؛ نہ بویوک یاغینلاردن متنبہ
اولدی، نہ زلزلہ لردن اوصالندی، نہ دہ امراض ساریہ دن تدہش ایتدی؛
او درجہ یہ کلدی کہ «فلانی فلان یردہ کورمکدن ایسہ کاووری اورادہ
کورمہ یہ راضی یم» دینلمہ یہ باشلادی، بو حال نہایت الامر غیرۃ اللہہ
طوقوندی، ملت بر جزای عمومی یہ کسب استحقاق ایتدی، ملت
کندینی طویلامق ایچون اللہہ اولہ بر بلا ویردی کہ نہ فرقہ قالدی،
نہ احتراض؛ نہ مجلس قالدی، نہ قلوب. باقی قالان بو قبہہ بر خوش
صدا ایش. «ولاتنازعوا فتفشلوا وذهب ربکم» نزعی، چکیشمہ یی
براقتکز؛ زیرا صوکر شوکتکز کیدر، روز کارکز اسمز اولور
حقیقتی تجلیساز اولدی.

امت اولہ جق ذواتہ کی حالت روحیہ یی کورملی. دشمنلر حدودی
کچدی؛ اسلام مملہ تترینی یاقدی، خراب ایتدی؛ بیکلر جہ
معصوملری اولدوروب، محو ایتدی؛ یامادینی شاعت، اجرا ایتدیکی
فضاحت قالمادی؛ روم ایلیدہ یوزلر جہ معبد توحید ظلمت کفر ایلہ
طولدی، قہلرینہ ہلال توحید یرینہ صلیب تثلیث طاقلدی، منارہ لرندہ
اذان محمدی یرینہ چاکلر چالینیور؛ اہل صلیب اردولری بونلرلہ دہ
قناعت ایتیمہ رک مرکز خلافتہ یورویور، اون اوچ عصر دن بری دوام
ایدن خلافت جلیلہ محمدیہ یی قالدیرمق، امانات جلیلہ پیغمبریہ یی محو
ایتمک، قرآنلری یاقق ایچون جانوارلر کی صالدریور، دارالخلافہ نکل
تا قبولرینہ قدر دایا نیورده بزم علمای کرام میدان جہادہ عزیمت ایچون
دعوتنامہ رسمی بکلہ یور!

دیمک قرآن کریم، ایستہ دیکر قدر «وجاہدوا فی سبیل اللہ» دیہ
مسلمانلرہ خطاب ایتسون؛ تبلیغنامہ رسمی اولمادجہ هیچ کیمسہ
کندینی بو فرمان اللہی یہ مخاطب عد ایتیمہ جک، جہادک کندینہ
فرض اولدینغی قبول ایلہ میہ جک. اولہ می؟ ای علمای دین، سویلہ یکنز،
احکام شریعت بویلہ می؟ سز، کہ شریعت اللہیہ یی هیچ برلومہ لائمن
خوف ایتیمہ رک حرفیاً امتہ تبلیغ ایلہ مأمور سکمز، نہ ایچون ایتیمہ یور،
نہ دن میدان جہادہ عزیمت ایچون دعوتنامہ رسمی بکلہ یور سکمز؟ دہا
دشمن کلمہ دن می قرآنک حکمی قالقہ جق؟ بلکہ حکومت بعض اسباب
سیاسیہ دن طولانی سزی جہادہ دعوت ایتیمکدہ معذور اولہ بیلیر؛
فقط سز وظیفہ دینہ کزی تقدیر ایدرک دہا حرب باشلار باشلاماز
عمومکمز بردن میدان جہادہ دوکولہ رک، باشلر کزدہ قرآن، اللر کزدہ
لوای توحید؛ تکبیرلرلہ اردوی اسلامی تشجیع ایدہ جک، کلمہ اللہی
اعلا ایدہ جک دکلیدیکمز؟

سزی حکومت منع ایتک شویلہ دورسون، بالعکس رسماً دعوتہ
براز محذور سیاسی وار ظنندہ بولوندینی ایچون، بو وظیفہ دینہ کزی
کندی کند کزدہ تقدیر ایتدیکمز دن طولانی سزہ متشکر قالدیدی.
حالبوکہ سز نہ وظیفہ اجتماعیہ کزی تقدیر ایتدیکمز، نہ فریضہ دینہ
کزی ایفا ایلدیکمز. اونک ایچون اللہک عندندہ اک شدید برمسئولیتہ
دوچار اولہ جفکمز کی، امتک نظرندہ دہ هیچ بر موقع حیثیت و احترامکمز
قالمایہ جق. بونی اولسون باری تقدیر ایدکزدہ ہنوز وقت وارکن
تلافیہ چالیشکمز، وظیفہ کزی ایفاہ شتاب ایدکمز.

عثمانی اردوسنک قوۃ معنویہ سی

بومحاربہ مسلمانلر ایچون پک بویوک بر فلاکت اولدی؛ فقط
برچوق حقیقتلرک اکلاشیللمسندہ سبب اولدی. بزی اوروپا لیللاشدہ
برمہ یہ چالیشان متفکرینرک اک زیادہ طوتولقلری شی دین ایدی.
بوعصر دہ تعصب دینی اولورمی؟ دیہ مناسبت دوشدکجہ تعریضاتدن
کری قالمایورلردی. صوکر دشمنلرک دین نامنہ اعلان حربلرینی،
اردولرینک اوکندہ صلیب بدست پاپاسلری کورونجہ نہ قدر یا کلش
دوشوندکلرینی آکلادیلر. نہ چارہ کہ بزم اردومزک روحی غائب